

张羽新 徐中起 欧光明 主编
张双志 苏钦 副主编

《清朝安边治国 民族立法文献汇编》



中国民族摄影艺术出版社

本册目录

苗疆民族立法文献(十)

· 钦定平苗纪略(六)(清·鄂辉等撰)

欽定平苗紀畧卷四十二

四月初八日

戊寅

勒保奏言

臣

等攻克關嶺要隘

勦通滇黔大路擬先掃蕩巴隴壘等處屯踞苗
匪再行前進茲查後路兩旁屯踞賊匪地方以
巴隴壘爲最大臣勒保於十八日督領將弁兵
勇先勦巴隴壘該處屯匿賊匪數千餘人周壘
寬廣十三四里山形似箕三面陡壁一面堆砌

石牆賊匪設卡堅守我兵步步仰攻賊匪放鎗
擲石拚命抗拒官兵驟難直上臣一面飭辦雲
梯並令官兵各執籐牌挾帶火彈密從三面陡
壁攀崖而上臣一面率同臬司常明副將施縉
等仍在正面進擊使賊匪全力拒敵攻打五晝
夜副將興保叅將劉廷奇遊擊劉煊安定邦率
領兵勇於二十二日從三面陡壁紛紛上壘拋

擲火彈賊巢火起壘內賊衆亂潰皆由正面奔
下被官兵截住痛殺當卽一鼓上壘鎗刀並舉
立將石牆轟倒除牆壓火焚賊不計外殺斃賊
匪男女二千餘人並無一名漏網巴隴壘當卽
掃淨臣勒保正在督兵攻勦巴隴之時有附近
安順之木山寨苗匪潛赴安順一路窺伺希圖
劫糧正值續到官兵行抵安順臣馮光熊卽派

副將康世貴叅將張永祺都司陳尚德帶兵赴
勦當將木山寨賊匪殲斃五百餘人自巴隴壘
一經勦洗葫蘆壘菜子河螞蝗箐等處苗寨日
漸到營求降共一百五十二寨約計二千餘戶
臣思後路苗寨漸已真知畏懼若待勦辦葫蘆
壘等處未降各苗辦理清楚於進勦永寧會合
提鎮未免稍遲因酌量兵力稍留防守後路臣

卽飛帶常明施縉率領將弁兵勇於二十四日
由關嶺進通永寧此路賊匪於北口安莊坡等
處要隘沿路設卡攔拒並將山坡溝箐路徑全
行挖斷臣派副將鄧英雄叅將那麟泰遊擊那
清阿畢天瑞都司丹占魁等帶兵先行臣督領
將弁官兵在後策應一路攻奪賊卡殲賊不計
其數行至安籠堡地方賊匪約有四五千入層

層排立石卡之上。一見兵到，吶喊放鎗，踞險阻敵。我兵一擁而上，賊匪復用刀矛亂戳我兵。奮勇直前，奪獲器械，痛加殲殺。當將安籠堡賊卡攻破，斃賊一千餘人，生擒五十九人，奪械無算。一路進剿，直抵永寧州城。提臣珠隆阿卽由安南縣前來會合。臣於二十五日又進安南縣總兵張玉龍七格得信，當由安姑排沙口前來見。

面其官兵未通永寧州以前臣勒保先咨會提
臣球隆阿一面飭令副將巴圖什里帶兵自安
南縣前赴永寧由盤江鐵索橋會合都司馬驥
一路攻擊當將阻路苗匪逐一殲斃並搶佔賊
卡十餘座攻至近永寧城之黃土坡地方苗匪
正在燒掠民村巴圖什里等率兵上前撲擊乘
其縱火之際我兵一擁圍住痛加截殺殲戮苗

匪數十人轟入火內焚死者更多奪獲砲位二座火藥四擔及器械等項永寧城內知州南奚曾千總李倫一見火烟逼近望見城外山梁苗匪棄械分竄知有官兵來解圍城飛卽帶領民勇出城接應巴圖什里等將賊殺潰後卽在永寧城外山梁周圍扎卡珠隆阿在安南適有阿黑山口苗匪拿卡放哨珠隆阿卽帶兵往剿賊

苗放鎗執矛前來迎敵飛派叅將趙得功守備
王應鳳各帶兵勇分路抄截鎗礮齊發擊斃賊
苗無算生擒十二名焚燒賊卡十五座賊寨二
十一處起獲米穀猪牛甚多並於碧玉洞救出
難民男婦一千三百餘名口珠隆阿勦潰阿黑
山苗匪亦卽來至永寧旋有賊匪數千吶喊蜂
擁復來撲攻永寧州城珠隆阿當卽率同巴圖

什里帶兵迎敵賊卽奔潰又因安姑一路賊匪
由年場寨直沖大路焚燒居民村舍欲至廖箐
燒劫糧臺珠隆阿在永寧聞信趕至安姑會同
總兵七格帶兵分股追殺殲賊甚多生擒二十
四人奪獲鳥鎗刀矛一百二十餘件燒燬賊卡
多處賊紛紛潰散臣勒保酌撥官兵交珠隆阿
從花江募役司一路先解永豐之圍進攻南籠

臣勒保督率兩鎮帶領官兵從安姑排沙口一路先解新城之圍進攻南籠如此兩路兜剿庶可早達南籠速解圍城以清苗逆又歸化廳一處被賊圍城臣馮光能前派都司周廷翰帶兵往援該都司率領官兵節次奮勇剿殺苗匪潰竄城內署通判鄭寶鑑守備張永吉把總楊得明率領兵勇出城接應兩下夾攻殺斃賊匪多

人已解歸化城圍數日以來逐處殲剿不但後
路安順鎮寧一帶葫蘆壘等處求降苗寨甚多
卽永寧州所屬大坪二道偏坡新寨等處苗人
亦有陸續到營求降者臣等隨時察看情形妥
爲駕馭剿撫兼施以冀迅速戡事

勒保又奏言查南籠狃苗滋事與雲南平彝縣
羅平州等處接壤而平彝縣之黃泥河羅平州

之江底河兩處尤爲要隘前據撫臣江蘭咨照
派知府屠述濂都司張俊守備江鱗等帶兵在
該處一帶防堵江蘭又添調兵練數千名前赴
黃泥河等處助防臣恐江蘭辦理未盡得當曾
經奏明調派開化鎮總兵扎郎阿前赴平彝等
處督兵防堵近接滇境文武稟報黃泥河於二
月下旬業已失守苗匪越河燒搶數日後賊已

退散又數日復來屯聚總在沿河一帶焚劫村寨守備江鱗把總龐得佩馬河圖外委曾繼先俱經陣亡知府屠述濂力難抵禦退至平葵都司張俊早經江蘭改派江底河一路又叅將同書前經江蘭亦派至黃泥河旋改派箐口等處地方又副將劉文忠前此亦經江蘭派赴黃泥河與知府慶玉遊擊博岳進攻黃草壩圍城該

協守等一入黃草壩城內卽被賊圍博岳帶兵
在後遇賊接仗官兵亦有損傷臣查雲南本地
亦有狆苗此時貴州滋事狆苗旣已擾及黃泥
河等處屢次焚掠恐滇省漸被勾結且地方處
處皆通臣此地進剿南籠攻擊一緊更恐竄入
滇境必得大員妥協籌辦鎮靜董率防堵方爲
可靠是以臣前